



Skipulagsnefnd Skaftárhrepps

Fundargerð

Fundur nr.133 í skipulagsnefnd **Málsnr. 1801006** haldinn á Kirkjubæjarstofu Kirkjubæjarklaustri, þriðjudaginn 9. janúar 2018 klukkan 15:00.

Mætt eru til fundar Kristbjörg Hilmarsdóttir formaður nefndarinnar, Jóhannes Gissurarson, Guðbrandur Magnússon, Davíð Andri Agnarsson og Bjarki Guðnason ásamt Söndru Brá Jóhannsdóttur sveitarstjóra sem jafnframt ritar fundargerð. Margrét Ólafsdóttir frá Landmótun situr fjarfund í gegnum skype.

Óskað eftir viðbót við dagskrá:

7. Hæðargarður – staða lýsingar aðalskipulagsbreytingar – til kynningar

Dagskrárbreyting samþykkt.

1. 1706011 Íþróttavöllur á Kirkjubæjarklaustri

Skipulagsfulltrúi leggur fram 4 tillögur að hentugu svæði fyrir íþróttavöll á Kirkjubæjarklaustri í samræmi við beiðni nefndarinnar frá 7. nóvember 2017.

Skipulagsnefnd felur skipulagsfulltrúa að vinna lýsingu á breytingu á aðalskipulagi.

2. 1603043 Deiliskipulag hesthúsasvæðis

Deiliskipulagið var auglýst frá 9. febrúar 2017 til og með 27. mars 2017 engar athugasemdir bárust við tillöguna en ein umsögn frá Heilbrigðiseftirliti Suðurlands. Brugðist hefur verið við umsögn Heilbrigðiseftirlitsins og er skipulagið lagt fyrir til samþykktar.

Skipulagsnefnd samþykkir deiliskipulagið og áorðnar lagfæringar og felur skipulagsfulltrúa að afgreiða hana skv. 42. gr. skipulagslaga nr. 123/2010.

3. 1606004 Breyting á deiliskipulagi í landi Efri-Víkur

Breytingin var grenndarkynnt skv. 2. mgr. 43 gr. skipulagslaga nr. 123/2010 frá 20. nóvember til 18. desember 2017. Engar athugasemdir bárust að undanskildum tölvupósti frá Vegagerðinni sem dró til baka beiðni um að breyta aðkomuvegi inn á deiliskipulagssvæðið þar sem eftir uppmælingu á veginum var ljóst að hann var réttur á gildandi deiliskipulagi. Legu aðkomuvegar að Selhólavegi 6 er hins vegar breytt og styttist vegurinn til muna við þá breytingu.

Skipulagsnefnd samþykkir tillöguna með þegar gerðum breytingum og felur skipulagsfulltrúa að senda hana til afgreiðslu Skipulagsstofnunar.

4. 1801001 Efnistaka úr Kúðafljótsbakka vestan ár – ósk um framkvæmdarleyfi

Umsókn frá Vegagerðinni um framkvæmdaleyfi fyrir efnistöku úr Kúðafljótsbakka (nr. 15590 í námukerfi Vegagerðarinnar) vegna lagningar bundins slitlags á Suðursvæði ásamt fleiri framkvæmdum. Alls er áætlað að taka um 17.000 m³ af efni úr námunni frá febrúar til september 2018.

Skipulagsnefnd samþykkir að veita Vegagerðinni framkvæmdaleyfi fyrir efnistöku úr Kúðafljóti vestan ár eins og henni er lýst í framkvæmdaleyfisumsókn með fyrirvara um samþykki landeiganda. Skipulagsfulltrúa falið að ljúka málinu.

Kristbjörg Hilmarsd.

*Bjarki V. Einarsson
Davíð Andri Agnarsson
Jóhannes Gissurarson
Guðbrandur Magnússon*

Kristbjörg Hilmarsson
Bjartur V. Guðjónsson
Daníel Aðalví Agnarsson
Jóhanna Guðrún
Guðrún Magnúsdóttir

5. 1801002 Efnistaka úr Hörgsá 2 – ósk um framkvæmdarleyfi

Umsókn frá Vegagerðinni um framkvæmdaleyfi fyrir efnistöku úr Hörgsá 2 (nr. 22550 í námukerfi Vegagerðarinnar) vegna yfirlagningar bundins slitlags á Suðursvæði. Alls er áætlað að taka um 6.000 m³ af efni úr námunni og er það ætlað á yfirlagnir á vegum í námunda við hana. Vinnslutími er febrúar til september 2018.

Skipulagsnefnd samþykkir að veita Vegagerðinni framkvæmdaleyfi fyrir efnistöku úr Hörgsá 2 eins og henni er lýst í framkvæmdaleyfisumsókn með fyrirvara um samþykki landeiganda. Skipulagsfulltrúa falið að ljúka málinu.

6. 1606003 Hemra deiliskipulag frístundalóð

Umsögn Skipulagsstofnunar vegna erindi Skaftárhrepps frá 17. nóvember 2017 vegna deiliskipulags í landi Hemru landnr. 209887.

Skipulagsnefnd felur skipulagsfulltrúa að tilkynna viðkomandi aðilum um niðurstöðu Skipulagsstofnunar.

7. 1701003 Hæðargarður – staða lýsingar aðalskipulagsbreytingar – til kynningar

Fundargerð lesin upp og samþykkt

Fundi slitið kl. 16.11